

Broj: 0101-13181-1/21
Sarajevo, 20. 12. 2021. godine

TRAIN Program se na Univerzitetu u Sarajevu uspješno realizuje od septembra 2013. godine. Finansijsku podršku realizaciji Programa obezbijedila je Fondacija kralja Baudouina, dok je Univerzitet u Sarajevu preuzeo njegovo finansiranje u zadnje tri godine. Kurikulumi pojedinačnih modula Programa inicijalno su razvijeni u saradnji sa EU partnerima, te naknadno unaprijeđeni u skladu sa BiH kontekstom visokog obrazovanja sa osvrtom na specifičnosti oblasti koje se tretiraju.

Polaznici ovog Programa kroz ponudu od devet modula dopunjuju znanja i vještine iz tri oblasti važnih za cjeloživotno učenje i usavršavanje akademskog osoblja: 1. Nastavničke kompetencije kako bi svaka organizacija unutar univerziteta postala organizacijom koja uči, 2. Metodološke kompetencije u kontekstu novih zahtjeva za vještinama projektiranja istraživanja na zajedničkom prostoru europskog visokog obrazovanja i 3. Preduzetničke kompetencije koje svaku organizaciju visokog obrazovanja pretvaraju u privrednog subjekta spremnog za samoodrživost.

Napomena: uzimajući u obzir neizvjesnu situaciju u vezi sa pandemijom COVID-a 19 planirano je da se TRAIN program prilagodi propisanim epidemiološkim mjerama i stoga će se pojedini moduli održati *online*, dok će drugi moduli biti realizovani *in-class* u prostorijama Centra za interdisciplinarnu studije (CIS).

U skladu sa planom realizacije programa, Univerzitet u Sarajevu raspisuje

INTERNI POZIV

za učešće u TRAIN programu u prvom ciklusu u akademskoj 2021/2022. godini

Pravo učešća ima akademsko osoblje Univerziteta u Sarajevu u saradničkim/nastavničkim zvanjima. Nakon uspješno absolviranog Programa Univerzitet u Sarajevu učesnicima izdaje certifikat, koji ujedno služi i kao dokaz o minimumu pedagoškog obrazovanja kandidata.

Na nivou programa dodjeljuje se 6 ECTS bodova.

Organizacija programa

- TRAIN program se u toku akademske 2021/2022. godine održava dva puta zbog situacije u vezi sa pandemijom (prvi ciklus: januar/februar, drugi ciklus: juni/juli),
- U toku je prijava za prvi ciklus (januar/februar),
- Broj učesnika jednog ciklusa ograničen je na 25 (broj se može dodatno reducirati u skladu sa epidemiološkim preporukama).

Obavezni moduli

1. Osnove andragoške djelatnosti u visokom obrazovanju,
2. Didaktika visokog obrazovanja,
3. Planiranje kurikuluma u visokom obrazovanju,
4. Istraživanje, naučno pisanje i publiciranje naučnoistraživačkih/umjetničkoistraživačkih rezultata,
 - a. humanističke i društvene nauke
 - b. prirodne, tehničke i medicinske nauke

Izborni moduli

1. Komunikacija i vještine prezentiranja,
2. Priprema aplikacija za finansiranje i upravljanje projektnim ciklusom,
3. Preduzetničke sposobnosti u visokom obrazovanju,
4. Umrežavanje i timski rad,
5. Osnovna polazišta inkluzivnog obrazovanja u visokoškolskoj nastavi.

Napomene:

- svi moduli su dvodnevni;
- od ponuđenih izbornih modula učesnik bira dva;
- poželjno je znanje engleskog jezika.

Prijava učešća

Ukoliko ste zainteresirani da pohađate TRAIN program u okviru prvog ciklusa, potrebno je da ispunite obrazac za prijavu, koji ćete zajedno sa svojom kraćom verzijom biografije dostaviti na e-mail adresu train@unsa.ba. Kontakt osoba je koordinatorica Programa, mr. sci. Jasmina Gradašević-Pleh (tel. 033 565 123). Rok za podnošenje prijave za učešće u TRAIN programu je **30. 12. 2021. godine**.

Pregled termina modula TRAIN programa u okviru prvog ciklusa u akademskoj 2021/2022. godini.

Modul	Datum	Način izvođenja nastave	Mjesto
1a Istraživanje, naučno pisanje i publiciranje naučnoistraživačkih/umjetničkoistraživačkih rezultata (društvene i humanističke nauke)	24 – 25. 1. 2022.	<i>In-class</i>	TBC
1b Istraživanje, naučno pisanje i publiciranje naučnoistraživačkih/umjetničkoistraživačkih rezultata (tehničke, prirodne i medicinske nauke)	24 – 25. 1. 2022.	<i>In-class</i>	
8 Osnove andragoške djelatnosti u visokom obrazovanju	27 – 28. 1. 2022.	<i>In-class</i>	
2 Didaktika visokog obrazovanja	31. 1. – 1. 2. 2022.	<i>Online</i>	
7 Planiranje kurikuluma u visokom obrazovanju	3 – 4. 2. 2022.	<i>Online</i>	
4 Komunikacija i vještine prezentiranja (izborni modul)	7 - 8. 2. 2022.	<i>In-class</i>	
5 Preduzetničke sposobnosti u visokom obrazovanju (izborni modul)	10 – 11. 2. 2022.	<i>In-class</i>	
6 Umrežavanje i timski rad (izborni modul)	14 – 15. 2. 2022.	<i>Online</i>	
3 Priprema aplikacija za finansiranje i upravljanje projektnim ciklusom (izborni modul)	17 – 18. 2. 2022.	<i>In-class</i>	
9 Osnovna polazišta inkluzivnog obrazovanja u visokoškolskoj nastavi (izborni modul)	21 – 22. 2. 2022.	<i>In-class</i>	